



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK/S-6/19-III
Brčko, 31.01.2025. godine

Pravosudna komisija Brčko distrikta BiH, na osnovu odredbe člana 14. stav (1) tačka u) Zakona o Pravosudnoj komisiji Brčko distrikta BiH („Službeni glasnik Brčko distrikta BiH, broj: 19/07, 20/07, 21/08, 04/21, 06/21) odredbe člana 72. stavovi (2), (4), (5) i (6) Zakona o stečaju Brčko distrikta BiH („Službeni glasnik Brčko distrikta BiH“, br.: 16/19, 29/20 i 16/22) na 265. redovnoj sjednici, održanoj dana 31.01.2025. godine, donijela je sljedeće

RJEŠENJE

I

Ruzmir Kabadajić iz Tuzle, briše se sa Liste stečajnih upravnika broj SuPK/S-2/24-I od 16.12.2024. godine, koju vodi Pravosudna komisija Brčko distrikta BiH.

II

Ovo rješenje objavljuje se u „Službenom glasniku Brčko distrikta BiH“, internet stranicama Pravosudne komisije Brčko distrikta BiH, Osnovnog suda Brčko distrikta BiH i Apelacionog suda Brčko distrikta BiH.

Образложење

Zakonom o stečaju Brčko distrikta BiH (u daljem tekstu: Zakon) u odredbom člana 72. stav (2) propisano je da će Pravosudna komisija na kraju svake kalendarske godine revidirati postojeću Listu stečajnih upravnika kojima je u toku godine u skladu s odredbom člana 71. ovog zakona prestalo pravo na imenovanje. Revidirana Lista se na početku svake kalendarske godine objavljuje u "Službenom glasniku Brčko distrikta BiH", internet stranici Pravosudne komisije i na internet stranici Osnovnog i Apelacionog suda.

Odredbom člana 71 stav (2) istog Zakona propisano je da će na Listu stečajnih upravnika Pravosudna komisija uvrstiti lice koje ispunjava sljedeće uslove: a) da je državljanin Bosne i Hercegovine, b) da je zdravstveno sposobno da obavlja dužnost stečajnog upravnika, c) da nije navršilo 70 godina na dan imenovanja za stečajnog upravnika, d) da ima završen ekonomski, pravni ili fakultet tehničkog smjera i najmanje pet godina radnog iskustva u struci, e) položen stručni ispit za stečajnog upravnika, f) da nije osuđivan za sljedeća krivična djela: protiv čovječnosti i vrijednosti zaštićenih međunarodnim pravom, krivična djela iz glave XIX Krivičnog zakona Brčko distrikta BiH ("Službeni glasnik Brčko distrikta BiH, brojevi 33/13, 26/16, 13/17 i 50/18 u daljnjem tekstu: KZBDBiH) protiv spolne slobode i morala, krivična djela iz glave XXX KZBDBiH protiv javnog reda i pravnog prometa, krivična djela iz glave XXXI KZBDBiH protiv podmićivanja i krivična djela protiv službene i druge odgovorne funkcije, krivična djela iz glave XXIX KZBDBiH protiv pravosuđa, krivična djela iz glave XXII KZBDBiH protiv privrede, poslovanja i sigurnosti platnog prometa i krivična djela iz glave XXIII KZBDBiH iz oblasti poreza.

U skladu sa odredbom člana 72 stav (2) Zakona, Pravosudna komisija je na 264. redovnoj sjednici održanoj dana 16.12.2024. godine utvrdila revidiranu Listu stečajnih upravnika broj SuPK/S-2/24-I od 16.12.2024. godine.

Imajući u vidu da je stečajni upravnik Ruzmir Kabadajić dana 02.01.2025. godine, nakon utvrđivanja revidirane Liste stečajnih upravnika, navršio 70 godina života, čime je shodno odredbi člana 71. stav (2) tačka c) Zakona prestao ispunjavati uslove za imenovanje za stečajnog upravnika, Pravosudna komisija je primjenom odredbe člana 72. istog Zakona, odlučila kao u dispozitivu ovog rješenja.

Pouka o pravnom lijeku:

Protiv ovog rješenja se može pokrenuti upravni spor kod Osnovnog suda Brčko distrikta BiH u roku od 30 (trideset) dana od dana prijema ovog rješenja.



Dostaviti:

1. Imenovanom,
2. Skupštini Brčko distrikta BiH-, Službenom glasniku,“
3. Osnovnom sudu Brčko distrikta BiH,
4. IT službi radi objave na intrnet stranicama
5. u spis.